



**R.P. Lvcae Pinelli, Societatis Iesv Meditationes De
Sanctissimo Eucharistiæ Sacramento, Et præparatione ad
sacram communionem**

Pinelli, Luca

Coloniæ Agrippinæ, 1603

III. Meditatio. De gloriosi huius Sacramenti effectibus. Pvncta Meditationis.

[urn:nbn:de:hbz:466:1-59560](https://nbn-resolving.org/urn:nbn:de:hbz:466:1-59560)

Psal. 83.

pretium, sed in cibum. tam quis non intelligit hoc opus illo esse admirabilius? O quam verè dixit Dauid: *Magnus es tu, & faciens mirabilia, tu es solus DEVS, & nō est similis tui Domine.* Tu solus Domine magnus es, & in mirabilibus operibus patrandis, non est vllus similis tibi. Ergo Domine cū proprium tibi sit magna facere & mirabilia, ecce me pauperem & debilem, effice quāso vt huius gloriosi Sacramenti beneficio, donorum coelestium diues, & in aduersitatibus huius vite perferendis fortis fiam & robustus.

IV. MEDITATIO.

De gloriosi huius Sacramenti effectibus.

PVNCTA MEDITATIONIS.

Lnc. 24.

1. CONSIDERA hoc glorioso Sacramento ita illuminari intellectum, vt facillè innotitiam Dei veniat. Vnde duobus illis discipulis euntibus in Emaus, mox post sacrum panem sumptum, vt habet scriptura, aperti sunt oculi, Dominumque agnouerunt.

2. Remittit peccata venialia: sicut enim alimentum corporale restaurat id, quod calor naturalis consumpsit, sic hoc alimentum coeleste restituit, quod anima ardore concupiscentiæ venialiter peccando perdidit.

3. Cor.

MEDITATIONES. 17

3. Coniungit nos **CHRISTO** capiti nostro, & proximis, qui sunt **CHRISTI** membra, prouocans nos ad eos debito amore cōplectendos, atq; ideo à sanctis Patribus appellatur Sacramentum vnionis & caritatis. Vnde Aug. scribit idcirco sub specie panis esse institutum, eo quod sicut panis ex multis frumenti granis conficitur, ita hoc Sacramentum ex multis cordibus vnā efficiat voluntatem.

4. Vires suppeditat ad iter ritè conficiendum in hac peregrinatione, eamq; obrem dicitur viaticum: iuuat quoq; ad cōsequendam scēlicitatem æternam. Vnde dixit **CHRISTVS**. Qui manducat meam carnem, habet vitam æternam.

FRVCTVS.

Huius quartæ Meditationis vtilitas est toto corde desiderare & procurare dispositionem & præparationem animi ad consequendos huius salutaris Sacramenti effectus. Deumq; precari, vt nos eis dignos reddat.

ANNOTATIO.

De tribus modis sacram Eucharistiæ recipiendi. & de fructibus, qui in quolibet illorum modorum accipiuntur, excerpta ex capite 17 18 & 19. Opusculi 59 S. Thomæ Aquinatis De quibus quoq; agit S. Conc. Trid. sess. 13 c. 3.

I. Non.

1. NONNULLI dum communicant, tantum recipiunt Sacramentum, ut sunt peccatores, qui recipientes indigne sanctissimum Sacramentum, non solum non accipiunt salutare aliquos eius effectus, sed iudicium (teste Apostolo) sibi manducant, hoc est, damnationis reos se efficiunt, Quod indicat quoque Ecclesia in hys *1. Corin. 11.* *Mors est malis, vita bonis,* ubi malorum vel peccatorum nomine intelligit eos omnes, qui cum conscientiam habeant mortali peccato inquinatam, non confitentur, aut certe in excommunicatione, vel cum prava animi intentione communicant.
2. Alij sunt, qui communicant spiritualiter, & sunt ij, qui viua fide credentes in hostia consecrata esse Dominum nostrum IESVM CHRISTVM, desiderant cum eo uniri, & ideo ad communionem aspirant magno animi sensu & desiderio, pręparantes se ad eam cum humilitate & deuotione: ac hi non omnes huius Sacramenti effectus, sed aliquos tantum recipiunt.
3. Alij denique bene ad cœlestem hunc cibum dispositi, vesteque nuptiali caritatis & puritatis ornati, non solum spiritualiter communicant cum desiderio, sed etiam Sacramentaliter, recipiendo
- cor-

MEDITATIONES. 19

corpus Domini nostri. Atque hi vnà cū Sacramento recipiunt omnes eius effectus, conueniēter præparationi, quæ quo maior extiterit, tanto anima reddetur capacior virtutibus, donis & gratijs in hoc Sacramento conferri solitis. Quod indicat Deus, cū per suum prophetam dixit, *Dilata os tuum, & implebo illud.* *Psal. 80.*

COLLOQVIVM.

*In forma Dialogi inter hominem
& animam.*

Homo. Verum est, anima mea, hūc sacrum cibum ab amabili IESV dari ad te pascendum. Sed age dic, quid prodest tibi licet pretiosissimus mortuo? *A.* Nihil. *H.* ergo nec tibi proderit sacrosanctum Sacramentum, si fueris mortua. *A.* ita est. at qua ratione mori possum, quæ sum immortalis? *H.* certum est te non posse extingui morte corporali, instar animalium rationis expertum, sed bene mori potes morte spirituali, quæ consistit in separatione gratiæ diuinæ ab anima, sicut mors corporalis consistit in separatione animæ à corpore. *A.* dāne ergo gratia Dei animæ vitam? *H.* maximè, non secus, quàm anima dat vitam corpori. *A.* Quis verò potest animam priuare gratia, quæ est eius vita? *H.* peccatum mortale; vnde dicit Ezechiel, *Cap. 18.*

Ani-

Anima quæ peccauerit ipsa morietur, id est, priuabitur gratia. A. Vnde peccato tāta obigit potentia. H. Ab ordinatione diuina, quia anima peccato mortali consensuens, rebellat Deo. Et sicut rebellis iuste exuitur suis bonis, sic anima peccando spoliatur gratia, nempe dono inestimabili ei à Deo concessio. A. itaque si ad recipiendos huius cibi cœlestis effectus, necessarium est animam viuere in gratia, Sacramentum certè hoc animam non uiuificabit, excitando eam à morte ad vitā. H. Ordinariè quidem non uiuificat, nam cum sit cibus spiritualis, vitam spiritua-lem supponit, & ab anima acceptus, eandem nutrit & præseruat à peccatis. A. Age, dic quæso, quid facto opus est ad degustandum hunc sacrum cibum, eiusq; effectus participandos? H. Opus est fame. Dominus enī *animam esurientem satiat bonis*. Deinde per contemplationē hic cibus cœlestis, considerata eius dignitate, masticandus est. A. Heu me, cuius palatum voluptatum carnalium veneno nimīū corruptū est. Heu me, quod huius mūdi vanitates ita cor meū occupatū teneant, vt mihi nec gustādi, nec considerādi huius mystici cibi otīū vllū, tempus ſacerelinquant. O me miseram, ô me miseram. H. Conuertamus nos anima mea

Psalm. 106.

ad

MEDITATIONES. 21

ad eum, qui potest iuuare. Clementissi-
me IESV, quis afflictae animae meae adi-
met hoc lethale venenum, ne iustu, effe-
ctibusq; tam salutaris Sacramenti desti-
tuatur? Quis mihi praescribet medicinā?
Domine non aliud volo, quam tu vis,
quandoquidem Pater coelestis de coelo te
in medicum nostrū misit. O sancte Rex
Dauid, quanto maiore nos fauore & be-
neuolentia Deus prosequitur, quam te.
nam cum esses adulterio Bersabee, aequē
ac morte Vriæ mariti eius quasi veneno
mortifero infectus, missus ad te est Pro-
pheta Nathan, vt venenum abigeret ab
anima tua: verū ad nos venit Propheta
rum Dominus, qui pro summo amore,
quo nos complectitur, vult simul esse
medicus, & medicina nostra, Benedictus
sis mi benigne IESV. Et quia non minus
potens quam amabilis medicus es, oro
te, vt hac sancta Sacramenti medicina, ef-
ficiat alter quidam Dauid secundum cor
tuum. Pater coelestis, caro primi Adam
ea est, quæ animam sibi coniunctam in-
fecit, tinxitq; veneno; fac quæso, vt caro
secundi Adam CHRISTI animam sibi v-
nitam sanet & expurget, cum hæc illa in-
comparabiliter sit potentior. Efficere quo-
que Domine, obsecro, vt sicut homo ra-
tione carnis veteri Adam o vnitus & con-
iun-

iunctus particeps redditur omnium eius
malorum & ærumnarum, sic ego benefi-
cio sacratissimæ carnis vnitus CHRISTO
nouo Adamo particeps fiam omnium
donorum & bonorum CHRISTI.

V. MEDITATIO.

De sacra Eucharistia porrecta

Apostolis.

PVNCTA MEDITATIONIS.

1. CONSIDERA, quomodo IESVS præ-
uidens afflictionem Apostolorum ex sua
passione consecuturam, decreuerit eis sa-
cram relinquere Eucharistiam, vt eius vir-
tute auxiliū & robur aliquod acciperent.
2. CONSIDERA, quomodo Domi-
nus, vt Apostolos suos disponderet ad tan-
tum Sacramentum dignè percipiendum,
lauert eorum pedes, ac deinde ad humi-
litem & caritatem sit cohortatus. Im-
mūditia enim carnis, superbia, & odium
sunt huius diuini mysterij hostes omni-
no capitales.
3. CONTEMPLARE Apostolorum gau-
dium & effusam lætitiā, qui cognita sa-
cramenti dignitate, cū viderent se fore
primos qui eius particeps fierēt, ac simul
expēderent tantam gratiam nulli vnquā
hominum sanctorum, sed nec angelorū
quidem cœlestium contigisse, toto spiri-
tu exultabant.

4. CON-